

**Silaannakkut angallanneq pillugu
Trafikstyrelsenip suliassai aamma piginnaatitaaneri,
Trafikstyrelsenip maleruaqqusaasa ilai pillugit
naammagittaalliuteqarsinnaatitaaneq aamma tamanut
saqqummiussisarneq pillugit nalunaarut Kalaallit Nunaannut atuuttoq**

Silaannakkut angallanneq pillugu inatsimmi § 152, § 152 a, § 153, imm. 2, aamma § 153 a, imm. 2-5, tak. inatsimmut nalunaarsuut nr. 408, 11. september 1985-imeersoq, inatsit nr. 429-imi 13. juni 1990-imeersoq, inatsit nr. 328, 14. maj 1997-imeersoq aamma peqqussut nr. 2628, 28. december 2021-meersoq malillugit, aamma inatsisinik aalajangersarneqanngitsumik allamut oqartussaasutut alliunerusumut suliassanngortitsisinnaaneq pillugit aalajangersarneqarpoq:

Suliassat

§ 1. Trafikstyrelseni Transportministereqarfiup ataani aqutsisoqarfiuvoq.

§ 2. Trafikstyrelsen Kalaallit Nunaanni silaannakkut inuinnarnik angallassinermut, matumani upalungaarsimanermut tunngatillugu silaannakkut angallannermut suliassaqarfimmi naleqqussaaneermik, akuersissutinik aamma nakkutilliinermik isumaginnittuuvoq.

Silaannakkut angallanneq pillugu inatsit malillugu piginnaatitaaneri

§ 3. Transportministerip silaannakkut angallannermut inatsimmi piginnaatitaaneri § 2, imm. 1, litra c, § 3, imm. 1, § 4, imm. 2 aamma 3, § 7, imm. 3, § 9, § 13, imm. 1, litra b, § 16, § 20, imm. 3, § 21, imm. 3, § 24, imm. 1, § 26, imm. 1-3, § 30, § 31, § 32, imm. 2, § 34, § 35, imm. 1, § 40 g, § 40 i, imm. 3, § 50, imm. 9, § 51, § 52, § 53, § 54, § 57, imm. 2, nr. 7-10, § 57, imm. 3, § 58, imm. 2, § 59, imm. 1, 2 aamma 4, § 60, imm. 1-3, § 62, § 63, imm. 1, § 64, imm. 2, § 65, imm. 3 aamma 4, § 67, imm. 1, § 68, imm. 1, § 69, § 70, § 70 a, imm. 1-5, § 70 b, imm. 4 aamma 5, § 71, imm. 2-4, § 73, § 74, § 75, imm. 1, 2, 4 aamma 8, § 76, § 77, imm. 3, § 81, § 82, § 82 a, § 83, § 85, imm. 1, 2 aamma 4, § 86, § 88, § 89 b, imm. 1, § 130, § 130 a, § 131, § 147 a, imm. 6, § 148, imm. 4, 5 aamma 7, § 150 e, imm. 1 aamma 2, § 151, § 152, imm. 3, 1. led, § 153, imm. 1, § 153 a, imm. 1, § 154, imm. 1, § 155, imm. 2, aamma § 156, imm. 2, kiisalu inatsimmut ilanngussami § 111, imm. 1-imi Trafikstyrelsenimit atorneqartumi. Trafikstyrelsen aammattaq silaannakkut angallannermi suliassanik, silaannakkut angallanneq pillugu inatsit malillugu aqutsisoqarfimmut suliakkiutigineqarsimasunik ingerlatsisuuvoq.

Imm. 2. Aamma silaannakkut angallanneq pillugu inatsimmi § 3, imm. 2, aamma § 153 a, imm. 2, 1. pkt.-imi aalajangersakkani naalagaaffik tamakkerlugu imaluunniit naalagaaffiup ilaani silaannakkut angallannermik utaqqiisaagallartumik killiliineq, patsisissaliineq imaluunniit inerteqquteqarneq pillugu ministerip piginnaatitaanera atuutsinneqarpoq, killiliineq, piunasaqaatit imaluunniit inerteqqusiineq timmisartortitsinermi isumannaallisaanermut isiginiagassat eqqarsaatigalugit pineqarpata.

Imm. 3. Aliikkutaralugu timmisartortarneq aamma allat timmisartortitsinermi isumannaallisaanermut tunngassuteqartuni akisussaaffeqartumik ingerlanneqartutut isigineqarsinnaasut pillugit aalajangiussaatitaaneq silaannakkut angallannermut inatsit imaluunniit imm. 1 malillugu Trafikstyrelsenimut tunniunneqarsimasoq, silaannakkut angallanneq pillugu inatsimmi § 152, imm. 2 malillugu pisortani oqartussanut allanut, kattuffissuarnut namminersortunut imaluunniit immikkut paasisimasalinnut, aalajangiisinnaanermut piginnaatitaaneq tunniussinnaavaa.

Imm. 4. Ingerlatsineq pillugu inatsimmi kap. 2-7 kattuffissuarnut namminersortunut aamma immikkut paasisimasalinnut atuuppoq, taakku imm. 3 malillugu aalajangiisinnaatitaammata. Trafikstyrelseni allagaatit toqqortaatigineqartussaataitaanerat il.il. aamma nipangiussisusaataitaaneq pillugit maleruagassanik aalajangersaasinnaavoq.

Silaannakkut angallassissutinik ingerlatsisinnaanermut akuersissutinik nalunaarsuineq pillugu inatsit malilluu piginnaatitaanerit

§ 4. Silaannakkut angallassissutinik ingerlatsisinnaanermut akuersissutinik nalunaarsuineq pillugu inatsimmi § 31-mi transportministerip piginnaatitaanerinik Trafikstyrelsen atortitsisuuvoq.

Silaannakkut angallanneq pillugu maleruaqqusat

§ 5. Teknikkikkut maleruaqqusat, § 3 malillugu Trafikstyrelsemit atulersinneqartut, Lovtidendemi nalunaarutigineqarneq ajorput, taamaattoq tak. imm. 2.

Imm. 2. silaannakkut angallannermi inatsimmi, § 40 g, § 50, imm. 9, § 70, § 70 a, imm. 1-5, § 70 b, imm. 4 aamma 5, § 76, § 85, imm. 1-2 aamma 4, § 130, § 130 a aamma § 131 malillugit maleruaqqusat aalajangersarneqartut, nalunaarutitut Lovtidendemi nalunaarutigalugit saqqummiunneqartassapput.

Imm. 3. Teknikkikkut maleruaqqusat, Lovtidende nalunaarutigineqartussaannngitsut, tak. imm. 1, Inuinnarnik Silaannakkut angallassisarnermut (BL) aalajangersakkatut suliarineqartassapput, taamaattorli tak. 4-8. Inuinnarnik Silaannakkut angallassisarnermut (BL) aalajangersakkatut Trafikstyrelsenip nittartagaatigut www.trafikstyrelsen.dk tamanut saqqummiunneqartassapput.

Imm. 4. Teknikkikkut maleruaqqusat, silaannakkut angallannermik kiffartuussisartunut erseqqissaassutaasunik naalakkiutitut ittut, ATS-naalakkiutitut suliarineqartassapput, taakkulu Trafikstyrelsenip nittartagaatigut www.trafikstyrelsen.dk tamanut saqqummiunneqartassapput.

Imm. 5. Teknikkikkut maleruaqqusat, nunani tamalaani pisussaaffeqarnerup malitsigisaatut AIP-mi («Aeronautical Information Publication») aalajangersarneqartartut, AIP-imit tamanut saqqummiussinikkut tamanut saqqummiunneqartassapput.

Imm. 6. Teknikkikkut maleruaqqusat, silaannakkut angallannermut isumannaallisaaneq eqqarsaatigalugu immikkoortinneqarsimasut, illuatungiusunut suliamut attuumassutilinnut qanimut imaluunniit digitalimik toqqaannartumik paasissutissiissutigalugit nalunaarutigineqartassapput.

Imm. 7. Sivikitsuinnarnmik inerteqqutit aamma sivikitsuinnarnmik sumiiffiit killilersuiffigineqartut pillugit teknikkikkut maleruaqqusat, silaannakkut angallannermut inatsimmi § 3, imm. 1 malillugu atortuulersinneqartut, Trafikstyrelsenip nittartagaatigut www.trafikstyrelsen.dk nalunaaruteqarnermi kikkunnut tamanut saqqummiunneqartassapput.

Imm. 8. Sivikitsuinnarnmik inerteqqutit aamma sivikitsuinnarnmik sumiiffiit killilersuiffigineqartut pillugit teknikkikkut maleruaqqusat, silaannakkut angallannermut inatsit malillugu § 3, imm. 1 malillugu atortuulersinneqartut, pissutsini pisariaqartitsisoqarpat, NOTAM-imik nassiussinikkut nalunaarutigineqartassapput.

Imm. 9. Nunani tamalaani Inuinnarnik Silaannakkut angallassisarnermut Kattuffiup usinik ulorianartunik isumannaatsumik angallassisarnermut teknikkikkut ilitsersuutai aamma taakkuninnga kingusinnerusukkut allannguutit Lovtidendemi nalunaarutigineqarneq ajorput. Ilitsersuutit taakku Trafikstyrelsenip nittartagaatigut www.trafikstyrelsen.dk tamanut saqqummiunneqartassapput.

Naammagittaalliuuteqarsinnaatitaaneq

§ 6. Nalunaarummi uani § 3 malillugu, aamma silaannakkut angallanneq pillugu inatsit malillugu, taannalu malillugu maleruaqassat aalajangersarneqarsimasut, Inuinnarnik Silaannakkut angallassisarnermut aalajangersakkat malillugit Trafikstyrelsenip aalajangigai, aamma silaannakkut angallassisarnermik suliaasaqarfimmi EU-mit peqqussutit, transportministerimut imaluunniit allaffissornikkut oqartussaasumut allamut naammagittaalliuutigineqarsinnaanngillat, taamaattorli tak. imm. 2.

Imm. 2. Nalunaarummi uani § 3, imm. 3 malillugu aalajangiiffigineqarsimasut, Trafikstyrelsenimut naammagittaalliuutigineqarsinnaapput.

Imm. 3. Silaannakkut angallannermut inatsimmi § 70 a, imm. 8 malillugu Namminersorlutik Oqartussanit aalajangiiffigineqarsimasut, transportministerimut imaluunniit allaffissornikkut oqartussaasumut allamut naammagittaalliuutigineqarsinnaanngillat.

Atortuulersinneqarpoq

§ 7. Nalunaarut ulloq 1. januar 2024-mi atortuulersinneqarpoq.

Transportministeriaqarfik, ulloq xx. xxxxx 2023

/